

欽定四庫全書

子部

普濟方卷二百七十四



南京中医药大学图书馆版权所有

詳校官太醫院吏目臣朱桂

編修臣倉聖脈覆勘

普濟方卷一百廿九

諸行論

諸行論

普濟方

周王朱橚撰

度百病萌生故四時代

當是時也必有暴氣夫

風大霧大寒大熱若不

折皮膚流注經脉遂

使腠理壅隔榮衛澁滯陰陽之氣不得宣泄變成癰疽
疔毒惡瘡諸腫至於疔腫若不預治人死不逮及至著
急乃欲求方其人已入木矣所以養生之士須早識此
方凡是瘡瘍無所逃矣○凡療疔腫皆刺中心至痛又
針四邊十餘下令血出去血敷藥藥氣得入針孔中住
若不達瘡內療不得力○又其腫好著中頰邊舌上晃
赤黑如珠子礮痛應心是也是秋冬寒毒久結皮中變
作此疾不即療之日夜根長流入諸脉數道如箭入身

捉人不得動搖若不慎口味房室死不旋踵○一曰麻
子疔其狀肉上起頭大如黍米色稍黑面邊微赤多癢
忌食麻子及衣布并入麻油中行○二曰石疔其狀皮
肉相連色烏黑如黑豆甚硬刺之不入肉內陰陽微疼
忌瓦礫磚石之屬○三曰雄疔其狀胞黑頭靨四畔仰
瘡胞漿起有水出色黃大如錢孔形高忌房事○四曰
雌疔其狀瘡頭稍黃向裏壓亦似灸瘡四畔胞漿起心
凹色赤大如錢孔忌房事○五曰火疔其狀如湯火燒

灼瘡黑壓四邊有炮漿起如赤粟米忌火灼爍○六曰
爛疔其狀色稍黑有白癰瘡中潰潰則有膿水流出瘡
形大小如匙面忌沸熱食爛臭物○七曰三十六疔其
狀頭黑浮起形如黑豆四畔起大赤色今日生一明日
二後日三乃至十若滿三十六藥所不能治如未滿三
十六者可治俗名黑炮忌嗔怒蓄積愁恨○八曰蛇眼
疔其狀瘡頭黑皮上浮生形如小豆狀似蛇眼大體硬
忌惡眼看并嫉妬人見之及毒藥○九曰鹽膚疔其大

如匙面四畔皆赤有黑粟粒起忌食鹹物○十曰水洗
疔其狀大如錢形或如錢孔大瘡頭白裏黑壓汁出中
硬忌飲漿水水洗渡河○十一曰刀鑱疔其狀瘡濶狹
如薤葉長大一寸左側肉黑如燒灼忌刺及刀鑱切割
針刃所傷可以藥治○十二曰浮漚疔其狀瘡體曲圓
少許不合長而狹如薤葉大肉黃外黑黑處刺不痛肉
黃處刺之則痛○十三曰牛拘疔其狀肉皰起掐不破
○十四曰紅絲疔其狀如紅線初起手足漸漸沿長入

腹即死此疔治法最易但於明處仔細尋其紅絲以針挑斷著小艾炷灸一壯無事○十四種瘡初起必先痒後痛先寒後熱熱定則寒多四肢沉重頭痛心驚眼花若大重者則嘔逆嘔逆者難治其麻子疔一種始末為痒所錄忌者不得犯觸犯觸者難療其浮漚疔牛拘疔兩種無所禁忌縱不療亦不能殺人其狀寒熱與諸疔同皆以此方療之若不失欲和犯觸之狀但脊強瘡痛極甚不可忍者是也○夫疔瘡者以其瘡形如疔蓋之

狀者是也氣客於經絡五臟內蘊毒熱初生一頭凹腫
痛青黃赤黑無復定色便令煩燥悶亂或憎寒頭痛嘔
吐心逆以針刺瘡不痛無血是其候也其候本因甘肥
過度不慎房酒以邪毒蓄結遂生疔瘡內經曰膏粱之
實足生疔瘡此之謂也其治之法急於艾炷灸之若不
覺痛者針疔四邊皆令血出以面瘡鋌子從針孔絰之
上用膏藥貼之仍服五香連翹湯漏蘆湯等疎下之為
効若或針之不痛無血者以燒猛火鐵針通赤於瘡上

烙之令如焦炭取痛為効亦絰前鋌子用膏藥貼之經一二日膿潰根出服托裏湯散依常療之以取平復若針不痛其人眼黑或見火光者不可治也此邪毒之氣入臟腑故也養生方云人汗入食肉食之則生疔瘡不可不慎也○疔腫者由風邪毒氣入於肌肉所生也凡有十種一者瘡頭烏而強凹二者瘡頭白而根實三者瘡頭如豆莖色四者瘡似葩紅色五者瘡頭內有黑脉六者瘡頭赤紅而浮虛七者瘡頭葩而黃八者瘡頭全

薄九者瘡頭如茱萸十者瘡頭如石榴子亦有初如風
癰搔破青黃汁出裏有赤黑脉而小腫而有全不令人
知忽衣觸手摸著則痛若故取便不處亦有肉突起如
魚眼之狀赤黑慘痛徹骨九結皆變至爛瘡瘡下深孔
如大針穿之狀疔瘡含蓄毒氣突出兩寸痛痒異常一
二日間害人甚速是尤在癰疽之上也內經以白疔發
於右鼻赤疔發於舌根黃疔發於口唇黑疔發於耳前
青疔發於目下蓋取五色之應五臟各有所屬部位而

已然後肩或腰或足發無定處在手足頭面骨節間者
最忌大抵瘡頭黑破如釘四畔帶赤如火盤根突起隨
變焦黑未幾腫大而光轉為濕爛孔透肌如大針穿之
狀外怔心驚頭痛拘急惡寒四肢痛強或寒熱交作頰
舌間赤黑點點如珠若毒入腹心則煩悶嘔逆恍惚癡
眠其斃可立待也治法以調心氣為上蓋疔瘡蓄毒壅
結於心如茯苓茯神遠志益智蓮子石菖蒲之類佐以
川芎當歸皆舒豁心經之劑也心氣清毒自消散外

所傳者用銷蝕惡肉輩膽礬綠礬鉛霜斑猫等類以餅藥調和而筆傳之爛其肉而後剪隨傳隨爛次第剪平却以生髮蛇皮土蜂窠皂莢刺各燒留性白芨減半并為細末以平瘡口或銷蝕惡肉輩傳之則疼則以排膿內補散多用酒調以醉之又有一種瘡頭黑深形如魚刺破之黃水滲出四畔浮漿是曰魚刺疔瘡其毒尤甚通前治法即癰疽方中萬疾解毒丸以清心行血湯使服之以井花水磨傳之實為妙藥

諸瘡莫急於疔瘡有魚眼疔多發於足非在手不能治也。大凡治疔瘡先以搜頭針當刺之直至患者不知痛處纔引針而出血隨其流則以蟾酥追毒丹納之針孔中仍以紙燃送下使近痛處其上封以乳香膏四旁腫處傅以烏龍膏或赤暈傅以解毒散三兩日瘡潰拔去仍覆以乳香膏膿盡生肌。金如治癰之法治魚眼疔之法先以針刺之不痛則瘡根已走矣。用療漏瘡之法以榆皮隨俞穴所往探之榆皮之所不及處之則針破引

榆皮枝而出再自針究尋若針破出病人知痛血出則
是沽肌肉矣即於針瘡納蟾酥丹覆以乳香膏於正瘡
上針孔中納蟾酥丹三兩粒仍覆以乳香膏則其疔瘡
之根即回元所潰而愈○有絲瘡症乃疔瘡之類醫若
不知無治法害人最速其瘡生手足間有泡其中或紫
墨色即有一條紅絲逆運向上而生若至心腹則使昏
亂不救其絲或有生兩條三條者治法以針橫截紅絲
所至之處刺之止使血出以膏傅之更不發動即愈矣

此症得於喜怒不節血氣逆行而生

內翰洪舜俞以惡瘡生上久不治稽

名內疔瘡初如蓮花疔根蒂小兒下垂灰火治法以勾刀決斷其根燒鉄器內七八分赤烙之以止血次以雄黃輕粉粉霜香白芷白飲為散傳其上今病人側卧以槐枝作枕以支其身間毋使口合一兩個時許瘡癰定令病者自便治口得膿便漸治之愈若此証息不治即四邊側漸成肌法用槐枝枕枝起病者牙勿使得合以小鍊去惡肉令盡即撒生肌散止仍用乳香膏護之自非飲時且令病人側卧支其牙頰毋使口合則津液不衝動瘡藥三日後肌肉漸生終可病人自便无所礙矣洪內翰云此証庸醫家不識則无治法以至不救良可惜也此証得之薄勞氣血愆所致

方

蒼耳膏

蒼耳子

合二

荊芥子

合二

葵子

合二

黃蠟

兩十

木香

白狗

糞

石長生

當歸

藁本

玄參

丁香

黃

芩

乾馬齒

雄黃

細研末

蝦蟆灰

乳香

研一兩

右細剉以猪脂三斤煎二三十沸濾去滓次下乳香

蠟又煎三兩沸候冷入雄黃蝦蟆灰攪勻以瓦器盛

密封使塗於故帛上日三度換之

千金托裏散

治一切瘡腫發背疔瘡